



matis *de instrumentis communicationis socialis*, praesentatum iri quandam motionem seu propositum, typis impressum, ut de eo suffragium fieret. Tandem nomina legit Patrum, qui loqui postulaverant.

Tunc prosecuta est disceptatio et a praeside ex ordine ad loquendum vocati sunt Aloisius Civardi, ep. tit. Thespiensis, Ioseph Höffner, ep. Monasteriensis, Leo Duval, arch. Algeriensis, Sanctes Moro Briz, ep. Abulensis, Villelmus Kempf, ep. Limburgensis, Adam Kozlowiecki, arch. Lusakensis, Aemilius Tagle Covarrubias, ep. Vallis Paradisi, Sebastianus Soares de Resende, ep. Beirensis, Aurelius Del Pino Gómez, ep. Illerdensis, Andreas Sana, ep. Akrensis, Alexander Fernández Feo-Tinoco, ep. S. Christophori in Venetiola, Franciscus Simons, ep. Indorensis.

P. D. Michaël Browne, ep. Galviensis et Duacensis, iuri loquendi renuntiavit.

Hora 11,05 disceptatio breviter interrupta est et secretarius generalis monuit Patres ut ad sua loca redirent. Post sermonem P. D. Ioannis Zarranz y Pueyo, ep. Placentini in Hispania, ex ambone significavit propositionem praesidis ut disceptatio schematis *de instrumentis communicationis socialis* cessaret. Fere omnes Patres stantes annuerunt.

Tunc incepta est disceptatio decreti *de Ecclesiae unitate*.

Card. Hamletus Ioannes Cicognani, praeses commissionis de Ecclesiis Orientalibus, breviter schema proposuit et relationem de ipso ex ambone legendam tradidit P. Athanasio Welykyj, eiusdem commissionis secretario.

Dein ex ordine ad loquendum a praeside vocati sunt cardd. Achilles Liénart, ep. Insulensis, Ernestus Ruffini, arch. Panormitanus, Antonius Bacci, Michaël Browne.

Interim Patribus folium, typis impressum, distributum est, continens propositionem circa schema *de instrumentis communicationis socialis*, sequenti die suffragio subiciendam.

Hora 12,15 reposito S. Evangelii codice, praeses preces *Angelus... Agimus...* recitavit, et secretarius generalis intimavit proximam congregationem generalem die 27 novembris habendam.

## XXVIII

Congregatio generalis vicesima octava habita est die 27 novembris, feria III, hora 9 ante meridiem. Interfuerunt 2156 Patres, nempe 72 cardinales, 7 patriarchae, 9 primates, 384 archiepiscopi, 1587 episcopi, 9 abbates nullius, 11 praelati nullius, 77 superiores generales.

Missa de Spiritu Sancto celebrata est ritu romano a P. D. Leonardo



Rodríguez Ballón, arch. Arequipensi. Chorus Cappellae Sixtinae executus est cantus: *Tu Trinitatis* (Bartolucci), *O salutaris hostia* (Bartolucci), *Cruce fidelis* (Bartolucci).

Post Missam P. D. Aloisius Chávez y González, arch. S. Salvatoris in America, S. Evangelii codicem super paratum thronum statuit, dum Patres *Credo* cantant.

Secretarius generalis intimavit: *Exeant omnes*, et card. Achilles Liénart, ep. Insulensis, primi praesidis munere fungens, precem *Adsumus...* recitavit.

Secretarius generalis ex ambone, proclamato praesidis nomine, communicavit Summum Pontificem statuuisse, petentibus ob rationes praesertim pastorales pluribus episcopis, secundam Concilii periodum inceptum iri in festo Nativitatis B. M. V., die dominica 8 septembris 1963.

Dein annuntiavit ante horam 10,30 suffragationem fieri de propositione super constitutionem *de instrumentis communicationis socialis*, et legit nomina Patrum, qui super decretum *de Ecclesiae unitate* loqui postulaverant.

Tandem, de licentia praesidis, legit quandam declarationem commissionis de Ecclesiis Orientalibus, ad praecavendas obiectiones, quae ad textum non facerent, ne locus fieret confusioni nec tempus inutiliter tereretur.

Dein ad loquendum ex ordine a praeside vocati sunt: cardd. Iacobus de Barros Câmara, arch. Fluminis Ianuarii, B. Maximus IV Saigh, patr. Antiochenus Melchitarum, cuius gallici sermonis Georgius Hakim, ep. Ptolemaidensis, translationem in linguam latinam legit; Primus Principi, arch. tit. Tyanensis, Antonius Pawłowski, ep. Vladislaviensis, Philippus Nabaa, arch. Berytensis et Gibailensis Melchitarum, Ioseph Paracattil, arch. Ernakulamensis, Andreas Sapelak, ep. tit. Sebastopolitanus in Thracia, visit. Ucrainorum in Argentina, Ambrosius Senyshyn, arch. Philadelphiensis Ucrainorum, Antonius Vuccino, arch. tit. Aprensis.

Hora 11,15 secretarius generalis, de mandato praesidis, exitum suffragationis peractae de propositione circa schema *de instrumentis communicationis socialis* ex ambone promulgavit: Praesentes votantes 2160; *Placet* 2138; *Non placet* 15; *Vota nulla* 7. Cum maioritas requisita esset 1437 vota, propositio approbata est.

Dein prosecuta est disceptatio circa decretum *de Ecclesiae unitate*, et ex ordine ad loquendum vocati sunt: Dorotheus Fernández y Fernández, ep. tit. Castabalensis, coad. c.i.s. Pacensis, Neophytus Edelby, arch. tit. Edessenus in Osrhoëne Melchitarum, Elias Zoghby, arch. tit. Nubiensis, vic. patr. patriarchatus Antiochiae Melchitarum pro Aegypto, Sergius Méndez Arceo, ep. Cuernavacensis, Felix Romero Menjibar, ep.



Giennensis, P. Anastasius Hage, sup. gen. Ordinis Basiliani S. Ioannis Baptistae.

Hora 12,10 reposito S. Evangelii codice, praeses preces *Angelus... Agimus...* recitavit et secretarius generalis intimavit proximam congregationem generalem die 28 novembris habendam.

## XXIX

Congregatio generalis vicesima nona habita est die 28 novembris, feria IV, hora 9 ante meridiem. Interfuerunt 2144 Patres, nempe 70 cardinales, 7 patriarchae, 9 primates, 380 archiepiscopi, 1576 episcopi, 10 abbates nullius, 11 praelati nullius, 81 superiores generales.

Missae celebratae est ritu aethiopico a P. D. Asrate Maria Yemmeru, arch. Neanthopolitano. Alumni Collegii Aethiopici exsecuti sunt cantus. Ante Missam Patribus distributum fuerat folium typis impressum, cui titulus *Liturgia Aethiopica*, continens partes ritus et notam circa ipsam liturgiam.

Post Missam ipse celebrans S. Evangelii codicem super paratum thronum statuit, dum alumni Collegii hymnum cantant.

Intimatione facta: *Exeant omnes*, card. Ignatius Tappouni, patr. Antiochenus Syrorum, primi praesidis munere fungens, precem *Adsumus...* recitavit, et secretarius generalis ex ambone, proclamato praesidis nomine, legit nomina Patrum, qui circa decretum *de Ecclesiae unitate* loqui postulaverant.

Dein annuntiavit aliquas emendationes cap. 1 constitutionis *de sacra Liturgia*, typis impressas, distributum iri, ut feria VI sequenti suffragationi subicerentur.

Prosecuta est disceptatio circa decretum *de Ecclesiae unitate*. Primus locutus est ipse praeses, card. Ignatius Tappouni, qui postea ad loquendum vocavit cardd. Franciscum Spellman, arch. Neo-Eboracensem, et Alfredum Ottaviani.

Card. Ottaviani proposuit ut, expleta disceptatione circa decretum *de Ecclesiae unitate*, transitus fieret ad schema *de B. M. Virgine*. Quidam Patres plauserunt.

Postea circa schema *de Ecclesiae unitate* ad loquendum ex ordine vocati sunt B. D. Paulus II Cheikho, patr. Babylonensis Chaldaeorum, Ioseph Tawil, arch. tit. Myrensis Melchitarum, vic. patr. Antiochenus Melchitarum, Ioannes Velasco, ep. Sciamensis, Marcellinus Olaechea Loizaga, arch. Valentinus, Ioseph Khoury, arch. Tyrensis Maronitarum, Michaël Darmancier, ep. tit. Auguritensis, vic. ap. Insularum Wallis et